

大唐西域記卷第十

三藏法師玄奘奉 詔譯大德持寺沙門辯機撰

十七國

伊爛拏鉢伐多國

瞻波國

羯朱盟祇羅國

奔那伐彈那國

迦摩縷波國

三摩咀吒國

耽摩栗底國

羯羅拏蘇伐刺那國

烏茶國

恭御陀國

羯鉢反伽國

僑薩羅國

案達羅國

馱那羯磔迦國

珠利耶國

達羅毗茶國

秣羅矩吒國

伊爛拏鉢伐多國周三千餘里國大都城北路疏伽河周二十餘里稼穡滋植花果具繁氣序和暢風俗淳質伽藍十餘所僧徒四千餘人多學小乘正量部法天祠二十餘所異道雜居近有隣王廢其國君以大都城持施衆僧於此城中建二伽藍各減千僧並學小乘教說一切有部

大城側臨疏伽河有伊爛拏山含吐煙霞蔽虧日月古今仙聖繼踵棲神今有天祠尚遺遺則在昔如來亦嘗居此爲諸天人廣說妙法大城南有窣堵波如來於此三月說法其傍則有過去三佛坐及經行遺迹之所



三佛經行西不遠有宰堵波是室縷多頻設
底拘肱唐言聞二百億舊譯曰億耳謬也苾芻生處昔此城有
長者豪貴巨富晚有繼嗣時有報者輒賜金
錢二百億因名其子聞二百億洎乎成立未
曾履地故其足跡毛長尺餘光潤細軟色若
黃金玕愛此兒備諸玩好自其居家以至雪
山亭傳連隅僮僕交路凡須妙藥遙相告語
轉而以授曾不踰時其豪富如此世尊知其
善根將發也命設特伽羅子而往化焉既至
門下莫由自通長者家祠日天每晨朝時東
向以拜是時尊者以神通力從日輪中降立
於前長者子疑曰天也因施香飯而歸其飯
香氣遍王舍城時頻毗婆羅王駭其異馥命
使歷問乃竹林精舍設特伽羅子自長者家
持來因知長者子有此奇異乃使召焉長者
承命思何安步泛舟鼓棹有風波之危乘車
馭象懼蹇蹶之患於是自其居家至王舍城
鑿渠通漕流滿芥子御舟安止長緼以引至
王舍城先禮世尊世尊告曰頻毗婆羅王命
使召汝無過欲見足下毛耳王欲觀者宜結
加坐伸脚向王國法當死長者子受佛誨而
往引入廷謁王欲視毛乃加趺坐王善其有
禮特深珍愛亦既得歸還至佛所如來是時
說法誨喻聞而感悟遂即出家於是精勤修

習思求果證經行不捨足遂流血世尊告曰
汝善男子在家之時知鼓琴耶曰知若然者
以此為喻絃急則聲不合韻絃緩則調不和
雅非急非緩其聲乃和夫修行者亦然急則
身疲心急緩則情舒志逸承佛指教奉以周
旋如是不久便獲果證

國西界疏伽河南至小孤山重巘蒼峯昔佛
於此三月安居降薄句羅藥义山東南巖下
大石上有佛坐跡入石寸餘長五尺二寸廣
二尺一寸其上則建窣堵波焉次南石上則
有佛置裙稚迦即梁瓶也舊曰軍持瓶也跡深寸餘作
八出花文佛坐跡東南不遠有薄句羅藥义

脚跡長尺五六寸廣七八寸深減二寸藥义
跡後有石佛坐像高六七尺次西不遠有佛
經行之處其山頂上有藥义故室次北有佛
足跡長尺有八寸廣於六寸深可半寸其跡
上有窣堵波如來昔日降伏藥义令不殺人
食肉敬受佛戒後得生天此西有温泉六七
所其水極熱國南界大山林中多諸野象其
形偉大從此順疏伽河南岸東行三百餘里

至瞻波國中印度境

瞻波國周四千餘里國大都城北背疏伽河
周四十餘里土地墊濕稼穡滋盛氣序温暑
風俗淳質伽藍數十所多有傾毀僧徒二百

餘人習小乘教天祠二十餘所異道雜居
都城壘輒其高數丈基趾崇峻却敵高險在
昔劫初人物伊始野居穴處未知宮室後有
天女降迹人中遊苑伽河濯流自媚感靈有
娠生四子焉分贍部洲各檀區宇建都築邑
封壇畫界此則一子之國都贍部洲諸城之
始也

城東百四五十里苑伽河南水環孤嶼崖巘
崇峻上有天祠神多靈感鑿崖為室引流成
沼花林奇樹巨石危峯仁智所居觀者忘返
國南境山林中野象猛獸群遊千數自此東
行四百餘里至羯朱嗚祇羅國

彼俗或謂羯
羅國中

印度羯朱嗚祇羅國周二千餘里土地泉濕
稼穡豐盛氣序溫風俗順敦尚高才崇貴學
藝伽藍六七所僧徒三百餘人天祠十所異
道雜居自數百年王族絕嗣役屬隣國所以
城郭丘墟多居村邑故戒日王遊東印度於
此築宮理諸國務至則葺茅為宇去則縱火
焚燒國南境多野象北境去苑伽河不遠有
大高臺壘輒石而以建焉基趾廣峙刻彫奇
製周其方面鑿眾聖像佛及天形區別而作
自此東渡苑伽河行六百餘里至奔那伐彈
那國

中印
度境

奔那伐彈那國周四千餘里國大都城周三

十餘里居人殷盛池館花林往往相間土地
卑濕稼穡滋茂般核婆果既多且貴其果大
如冬瓜熟則黃赤剖之中有數十小果大如
鵝卵又更破之其汁黃赤其味甘美或在樹
枝如眾果之結實或在樹根若伏苓之在土
氣序調暢風俗好學伽藍二十餘所僧徒三
千餘人大小二乘兼功綜習天祠百所異道
雜居露形尼軋寔繁其黨

城西二十餘里有跋始婆僧伽藍庭宇顯敞
臺閣崇高僧徒七百餘人並學大乘教法東
印度境碩學名僧多在於此其側不遠有窰
堵波無憂王之所建也昔者如來三月在此

為諸天人說法之處或至齋日時燭光明其
側則有四佛坐及經行遺跡之所去此不遠
復有精舍中作觀自在菩薩像神鑿無隱靈
應有徵遠近之人絕粒祈請自此東行九百

餘里渡大河至迦摩縷波國

東印度境

迦摩縷波國周方餘里國大都城周三十餘
里土地泉濕稼穡時播般核婆果那羅雞羅
果其樹雖多彌復珍貴河沱湖陂交帶城邑
氣序和暢風俗淳質人形卑小容貌黧黑語
言少異中印度性甚犷暴志存強學宗事天
神不信佛法故自佛興以迄于今尚未建立
伽藍招集僧侶其有淨信之徒但竊念而已

天祠數百異道數万

今王本那羅延天之祚胤婆羅門之種也字

婆塞羯羅伐摩唐言日曹号拘摩羅唐言童子自據壇

上弈葉君臨逮於今王歷千世矣君上好學

衆庶從化遠方高才慕義客遊雖不溥信佛

法然敬高學沙門初聞有至那國沙門在摩

揭陀那爛陀僧伽藍自遠方來學佛深法殷

勤往復者再三未從來命時尸羅跋陀羅論

師曰欲報佛恩當弘正法子其行矣勿憚遠

涉拘摩羅王世宗外道今請沙門斯善事也

因茲改轍福利弘遠子昔起大心發弘誓願

孤遊異域遺身求法普濟含靈豈徒鄉國宜

忘得喪勿拘榮辱宣揚聖教開導群迷先物

後身忘名弘法於是辭不獲免遂與使偕行

而會見焉拘摩羅王曰雖則不才常慕高學

聞名雅尚敢事延請曰寡能褊智猥蒙沐聽

拘摩羅王曰善哉慕法好學顧身若浮踰越

重險遠遊異域斯則王化所由國風尚學今

印度諸國多有歌頌摩訶至那國

秦王破陣樂者聞之久矣豈大德之鄉國耶

曰然此歌者美我君之德也拘摩羅王曰不

意大德是此國人常慕風化東望已久山川

道阻無由自致曰我大君聖德遠洽仁化遐

被殊俗異域拜闕稱巨者衆矣拘摩羅王曰

覆載若斯心冀朝貢今戒日王在羯朱噶祇
羅國將設大施崇樹福慧五印度沙門婆羅
門有學者莫不召集今遣使來請願與同
行於是遂往焉此國東山阜連接無大國都
境接西南夷故其人類蠻獠矣詳問土俗可
兩月行入蜀西南之境然山川險阻障氣氛
沐毒蛇毒草爲害滋甚國之東南野象群
故此國中象軍特盛從此南行千二三百里
至三摩咀吒國東印度境三摩咀吒國周三千餘
里濱近大海地遂卑濕國大都城周二十餘
里稼穡滋植花果繁茂氣序和風俗順人性
剛烈形卑色黑好學勤勵邪正兼信伽藍三
十餘所僧徒二千餘人並皆遵習上座部學
天祠百所異道雜居露形尼軋其徒特盛去
城不遠有寧堵波無憂王之所建也昔者如
來爲諸天人於此七日說深妙法傍有四佛
坐及經行遺迹之所去此不遠伽藍中有青
玉佛像其高八尺相好圓備靈應時効從此
東北大海濱山谷中有室利差咀羅國次東
南大海隅有迦摩浪迦國次東有憺羅鉢底
國次東有伊賞那補羅國次東有摩訶瞻波
國即此云林邑是也次西南有闍摩那洲國
凡此六國山川道阻不入其境然風俗壤界
聲聞可知自三摩咀吒國西行九百餘里至

耽摩栗底國東印度境

耽摩栗底國周千四五百里國大都城周十

餘里濱近海陸土地卑濕稼穡時播花果茂

盛氣序溫暑風俗躁烈人性剛勇邪正兼信

伽藍十餘所僧眾千餘人天祠五十餘所異

道雜居國濱海隅水陸交會奇珍異寶多聚

此國故其國人大拓殷富城側窄堵波無憂

王所建也其傍則有過去四佛坐及經行遺

迹之所自此西北行七百餘里至羯羅拏蘇

伐刺那國東印度境

羯羅拏蘇伐刺那國周四千四五百里國大

都城周二十餘里居人殷盛家室富饒土地

卑濕稼穡時播眾花滋茂珍異繁植氣序調

暢風俗淳和好尚學藝邪正兼信伽藍十餘

所僧徒二千餘人習學小乘正量部法天祠

五十餘所異道寔多別有三伽藍不食乳酪

遵提婆達多遺訓也

大城側有絡多未知僧伽藍唐言赤墜庭宇顯敞

臺閣崇峻國中高才達學聰敏有聞者咸集

其中警誠相成琢磨道德初此國未信佛法

時南印度有一外道腹錮銅鑠首戴明炬杖

策高步來入此城振擊論鼓求欲論議或者

問曰首腹何異曰吾學藝多能恐腹拆裂悲

諸愚闇所以持照時經旬日人無問者詢訪

髭彥莫有其人王曰合境之內豈無明哲客難不酬爲國深恥宜更營求訪諸幽隱或曰大林中有異人其自稱曰沙門強學是務今屏居幽寂久矣于茲非夫體法合德何能若此者乎王聞之已躬往請焉沙門對曰我南印度人也客遊止此學業庸淺恐黜所聞敢承來旨不復固辭論議無負請建伽藍招集僧徒光讚佛法王曰敬聞不敢忘德沙門受請往赴論場外道於是誦其宗致三萬餘言其義遠其文約包含名相網羅視聽沙門一聞究覽辭義無謬以數百言辯而釋之因問宗致外道辭窮理屈杜口不酬旣折其名負恥而退王深敬德建此伽藍自時厥後方弘法教

伽藍側不遠有窳堵波無憂王所建也在昔如來於此七日說法開導其側精舍過去四佛坐及經行遺迹之所有數窳堵波並是如來說經法之處無憂王之所建也從此西南行七百餘里至烏茶國東印度境烏茶國周七千餘里國大都城周二十餘里土地膏腴稼穡茂盛凡諸果實頗大諸國異草名花難以稱述氣序溫暑風俗獷烈人貌魁梧容色黧黧言辭風調異中印度好學不倦多信佛法伽藍百餘所僧徒萬餘人並皆

習學大乘法教天祠五十所異道雜居諸宰
堵波凡十餘所並是如來說法之處無憂王
之所建也

國西南境大山中有補澀波祇釐僧伽藍其
石窠堵波極多靈異或至齋日時燭光明故
諸淨信遠近咸會持妙花蓋競修供養承露
槃下覆鉢勢上以花蓋竒置之便住若礎石
之吸針也此西北山伽藍中有窠堵波所異
同前此二窠堵波者神鬼所建靈竒若斯

國東南境臨大海濱有折利坦羅城唐言周
發行周
二十餘里入海商人遠方旅客往來中止之
路也其城堅峻多諸奇寶城外鱗次有五伽

藍臺閣崇高尊像工麗南去僧伽羅國二萬
餘里靜夜遙望見彼國佛牙窠堵波上寶珠
光明離離然如明炬之懸燭也自此西南大
林中行千二百餘里至恭御陀國東印
度境

恭御陀國周千餘里國大都城周二十餘里
濱近海隅山阜嶸嶙土地墊濕稼穡時播氣
序温暑風俗勇烈其形偉其貌黑粗有禮義
不其欺詐至於文字同中印度語言風調頗
有異焉崇敬外道不信佛法天祠百餘所異
道万餘人國境之內數十小城接山嶺據海
交城既堅峻兵又敢勇威雄隣境遂無強敵
國臨海濱多有奇寶螺貝珠璣斯為貨用出

大青象超乘致遠從此西南入大荒野深林
巨木千霄蔽日行千四五百里至羯餒力敵反

伽國南印度境

羯餒伽國周五千餘里國大都城周二十餘
里稼穡時播花果具繁林藪聯綿動數百里
出青野象隣國所奇氣序暑熱風俗躁暴性
多狷獷志存信義言語輕捷音調質正辭旨
風則頗與中印度異焉少信正法多遵外道
伽藍十餘所僧徒五百餘人習學大乘上座
部法天祠百餘所異道甚衆多是尼軋之徒也
羯餒伽國在昔之時氓俗殷盛肩摩轂擊舉
杖成帷有五通仙棲巖養素人或凌觸退失

神通以惡呪術殘害國人少長無遺賢愚俱
喪人煙斷絕多歷年所頗漸遷居猶未充實
故今此國人口尚少

城南不遠有窰堵波高百餘尺無憂王之所
建也傍有過去四佛坐及經行遺迹之所國
境比乘大山嶺上有石窰堵波高百餘尺是
劫初時人壽無量歲有獨覺於此入寂滅焉
自此西北山林中行千八百餘里至憍薩羅

國中印度境

憍薩羅國周六千餘里山嶺周境林藪連接
國大都城周四十餘里土壤膏腴地利滋盛
邑里相望人戶殷實其形偉其色黑風俗剛

猛人性勇烈邪正兼信學藝高明王刹帝利也崇敬佛法仁慈深遠伽藍百餘所僧徒減萬人並皆習學大乘法教天祠七十餘所異道雜居城南不遠有故伽藍傍有窰堵波無憂王之所建也昔者如來曾於此處現大神通摧伏外道後龍猛菩薩止此伽藍時此國王号婆多婆訶唐言环敬龍猛周衛門廬時提婆菩薩自執師子國來求論議謂門者曰幸為通謁時門者遂為入白龍猛雅知其名盛滿鉢水命弟子曰汝持是水示彼提婆提婆見水默而投針弟子持鉢懷疑而返龍猛曰彼何辭乎對曰默無所說但投針於水而已龍猛曰智矣哉若人也知幾其神察微亞聖盛德若此宜速命入對曰何謂也無言妙辯斯之是歟曰夫水也者隨器方圓逐物清濁弥漫無間澄湛莫測滿而示之比我學之智周也彼乃投針遂窮其極此非常人宜速召進而龍猛風範凜然肅物言談者皆伏抑首提婆素拒風徽久希請益方欲受業先聘機神雅懼威嚴昇堂僻坐談玄永日辭義清高龍猛曰後學冠世妙辯光前我惟衰耄遇斯俊彥誠乃寫瓶有寄傳燈不絕法教弘揚伊人是賴幸能前席雅談玄奧提婆聞命心獨自負將開義府先遊辯囿提振辭端

仰視質義忽覩威顏忘言杜口避坐引責遂請受業龍猛曰復坐今將授子至真妙理法王誠教提婆五體投地一心歸命曰而今而後敢聞命矣龍猛菩薩善閑藥術餐餌養生壽年數百志貌不衰引正王既得妙藥壽亦數百王有稚子謂其母曰如我何時得嗣王位母曰以今觀之未有期也父王年壽已數百歲子孫老終者蓋亦多矣斯皆龍猛福力所加藥術所致菩薩寂滅王必徂落夫龍猛菩薩智慧弘遠慈悲深厚周給群有身命若遺汝宜往彼試從乞頭若遂此志當果所願王子恭承母命來至伽藍門者驚懼故得入焉時龍猛菩薩方讚誦經行忽見王子忙然謂曰今夕何夕降趾僧坊若危若懼疾驅來至對曰我承慈母餘論語及行捨之士以爲舍生寶命經誥格言未有輕捨報身施諸求欲我慈母曰不然十方善逝三世如來在昔發心逮乎證果勤求佛道修習戒忍或投身卧獸或割肌救鵠月光王施婆羅門頭慈力王飲餓藥吐血諸若此類尤難備舉求之先覺何代無人今龍猛菩薩篤斯高志我有所求人頭爲用招募累歲未之有捨欲行暴劫殺則罪累尤多虐害無辜穢德彰顯惟菩薩修習聖道遠期佛果慈靈有識慮及無邊輕

生若浮賤身如朽不違本願垂允所求龍猛
曰俞誠哉是言也我求佛聖果我學佛能捨
是身如響是身如泡流轉四生往來六趣宿
契弘誓不違物欲然王子有一不可者其將
若何我身既終汝父亦喪顧斯為意誰能濟
之龍猛徘徊顧視求所絕命以乾茅葉自刎
其頸若利劍斷割身首異處王子見已驚奔
而去門者上白具陳始末王聞哀感果亦命
終國西南三百餘里至跋邏末羅耆釐山唐言
巖岌然特起峯巖峭險既無崖谷宛如金石
引正王為龍猛菩薩鑿此山中建立伽藍去
山十數里鑿開孔道當其山下仰鑿疏石其
中則長廊步檐崇臺重閣閣有五層層有四
院並建精舍各鑄金像量等佛身妙窮工思
自餘莊嚴唯飾金寶從山高峯臨注飛泉周
流重閣交帶廊廡踈寮外穴明燭中宇初引
正王建此伽藍也人力疲竭府庫空虛功猶
未半心甚憂感龍猛謂曰大王何故若有憂
負王曰輒運大心敢樹勝福期之永固待至
慈氏功績未成財用已竭每懷此恨坐而待
旦龍猛曰勿憂崇福勝善其利不窮有興弘
願無憂不濟今日還宮當極歡樂後晨出遊
歷覽山野已而至此平議營建王既受誨奉
以周旋龍猛菩薩以神妙藥滴諸大石並變

為金玉遊見金心口相賀迴駕至龍猛所曰
 今日畋遊神鬼所惑山林之中時見金聚龍
 猛曰非鬼惑也至誠所感故有此金宜時取
 用濟成勝業遂以營建功畢有餘於是五層
 之中各鑄四大金像餘尚盈積充諸帑藏招
 集千僧居中禮誦龍猛菩薩以釋迦佛所宣
 教法及諸菩薩所演述論鳩集部別藏在其
 中故上第一層唯置佛像及諸經論下第五
 層居止淨人資產什物中間三層僧徒所舍
 聞諸先志曰引王營建已畢計工人所食鹽
 價用九拘胝唐言億金錢其後僧徒忿諍就
 王平議時諸淨人更相謂曰僧徒諍起言議
 相乖凶人伺隙毀壞伽藍於是重關反拒以
 擯僧徒自介已來無復僧眾遠矚山巖莫知
 門徑時引善醫方者入中療疾蒙面入出不
 識其路從此大林中南行九百餘里至案達
 羅國南印度境
 案達羅國周三千餘里國大都城周二十餘
 里号瓶耆羅土地良沃稼穡豐盛氣序温暑
 風俗猛暴語言辭調異中印度至於文字軌
 則大同伽藍二十餘所僧徒三千餘人天祠
 三十餘所異道寔多
 瓶耆羅城側不遠有大伽藍重閣層臺製窮
 剞劂佛像聖容麗極工思伽藍前有石萃堵

波高數百尺並阿折羅唐言阿羅漢之所建也所行羅漢伽藍西南不遠有窣堵波無憂王之所建也如來在昔於此說法現大神通度無量衆

所行羅漢伽藍西南行二十餘里至孤山山嶺有石窣堵波陳那唐言童授菩薩於此作因明

論陳那菩薩者佛去世後承風淙衣智願廣大慧力深固愍世無依思弘聖教以為因明之論言深理廣學者虛功難以成業乃匿迹幽巖棲神寂定觀述作之利害審文義之繁約是時崖谷震響煙雲變采山神捧菩薩高數百尺唱如是言昔佛世尊善權導物以慈

悲心說因明論綜括妙理深究微言如來寂滅大義泯絕今者陳那菩薩福智悠遠深達聖旨因明之論重弘茲日菩薩乃放大光明照燭幽昧時此國王深生尊敬見此光明相疑入金剛定因請菩薩證無生果陳那曰吾入定觀察欲釋深經心期正覺非願無生果也王曰無生之果衆聖攸仰斷三界欲洞三明智斯盛事也願疾證之陳那是時心悅王請方欲證受無學聖果時妙吉祥菩薩知而惜焉欲相警誡乃彈指悟之而告曰惜哉如何捨廣大心為狹劣志從獨善之懷棄兼濟之願欲為善利當廣傳說慈氏菩薩所製瑜

伽師地論導誘後學為利甚大陳那菩薩敬
 受指誨奉以周旋於是覃思沉研廣因明論
 猶恐學者懼其文微辭約也乃舉其大義綜
 其微言作因明論以導後進自茲已後宣暢
 瑜伽盛業門人有知當世從此林野中南行
 千餘里至馱那羯磔迦國亦謂大安達暹國南印度境
 馱那羯磔迦國周六千餘里國大都城周四
 十餘里土地膏腴稼穡殷盛荒野多邑居少
 氣序溫暑人貌魁黑性猛烈好學藝伽藍鱗
 次荒蕪已甚存者二十餘所僧徒千餘人並
 多習學大眾部法天祠百餘所異通寔多
 城東據山有弗婆勢羅唐言東山僧伽藍城西據
 山有阿伐羅勢羅唐言西山僧伽藍此國先王為
 佛建焉與川通徑疏崖峙閣長廊步簷枕巖
 接岫靈神警衛聖賢遊息自佛寂滅千幸之
 內每歲有千凡夫僧同入安居罷安居日皆
 證羅漢以神通力凌虛而去千幸之後凡聖
 同居自百餘幸無復僧侶而山神易形或作
 豺狼或為猿狖驚恐行人以故空荒間無僧
 衆城南不遠有大山巖巖毗吠唐言清辯論師
 住阿素洛宮侍見慈氏菩薩成佛之處論師
 雅量弘遠至德深遠外示僧伽之服內弘龍
 猛之學聞摩揭陀國護法菩薩宜揚法教學
 徒數千有懷談議杖錫而往至彼吒釐城知

護法菩薩在菩提樹論師乃命門人曰汝行
誦菩提樹法菩薩所如我辭曰菩薩宣揚
遺教遵誘迷徒仰德虛心為日已久然以宿
願未果遂非禮謁菩提樹者誓不空見見當
有證稱天人師護法菩薩謂其使曰人世如
幻身命若浮鴻日勤誠未遑談議人信往復
竟不會見論師既還本土靜而思曰非慈氏
成佛誰決疑於觀自在菩薩像前誦隨心陀
羅尼絕粒飲水時歷三歲觀自在菩薩乃現
妙色身謂論師曰何所志乎對曰願留此身
待見慈氏觀自在菩薩曰人命危脆世間浮
幻宜修勝善願生觀史多天於斯禮觀尚

速得見說師曰志不可奪心不可裁菩薩曰
若然者宜往馱那羯磔迦國城南山巖執金
剛神所至誠誦持執金剛陀羅尼者當遂此
願論師於是往而誦焉三歲之後神乃謂曰
伊何所願若此勤勵論師曰願留此身待見
慈氏觀自在菩薩指遺來請成我願者其在
神乎神乃授秘方而謂之曰此巖石內有阿
素洛宮如法行請石壁當開開即入中可以
待見論師曰幽居無覩詐知佛興執金剛曰
慈氏出世我當相報論師受命專精誦持復
歷三歲初無異想呪芥子以擊石巖壁豁而
洞開是時百千万眾觀觀忘返論師跨其戶

而告衆曰吾久祈請待見慈氏聖靈警祐大願斯遂宜可入此同見佛興聞者怖駭莫敢寢戶謂是毒蛇之窟恐喪身命再三告語唯有六人從入論師顧謝時衆從容而入入之既已石壁還合衆皆惡嗟恨前言之過也自此西南行千餘里至珠利耶國

南印度境

珠利耶國周二千四五百里國大都城周十餘里土野空曠藪澤荒蕪居戶寡少群盜公行氣序溫暑風俗姦兇人性獷烈崇信外道伽藍頽毀粗有僧徒天祠數十所多露形外道也

城東南不遠有翠堵波無憂玉之所建也如來在昔嘗於此處現大神通說深妙法摧伏外道度諸天人

城西不遠有故伽藍提婆菩薩與羅漢論議之處初提婆菩薩聞此伽藍有嗚咀羅

唐言

阿羅漢得六神通具八解脫遂來遠尋觀其風範既至伽藍投羅漢宿羅漢少欲知足唯置一牀提婆既至無以為席乃聚落葉指令就坐羅漢入定夜分方出提婆於是陳疑請決羅漢隨難為釋提婆尋聲重質第七轉已杜口不酬竊運神通力往覩史多天請問慈氏慈氏為釋因而告曰彼提婆者曠劫修行賢劫之中當紹佛位非尔所知宜深禮敬如

彈指頃還復本座乃復抑揚妙義剖析微言
提婆謂曰此慈氏菩薩聖智之釋也豈仁者
所能詳究哉羅漢曰然誠如來旨於是避席
禮謝深加敬嘆從此南入林野中行千五六
百里至達羅毗荼國

南印
度境

達羅毗荼國周六千餘里國大都城号建志
補羅周三十餘里土地沃壤稼穡豐盛多花
果出寶物氣序温暑風俗勇烈深篤信義高
尚博識而語言文字少異中印度伽藍百餘
所僧徒万餘人並皆遵學上座部法天祠八
十餘所多露形外道也如來在卅數遊此國
說法度人故無憂王於諸聖迹皆建窣堵波

建志補羅城者即達磨波羅

唐言
護法

菩薩本生

之城菩薩此國大目之長子也幼懷雅量長
而弘遠年方弱冠王姬下降禮避之夕憂心
慘悽對佛像前殷勤祈請至誠所感神負遠
遁去此數百里至山伽藍坐佛堂中有僧開
戶見此少年疑其盜也更詰問之菩薩具懷
指告因請出家衆咸驚異遂允其志王乃宣
命推求遐迹乃知菩薩神負遠塵王之知也
增深敬異自漆衣已篤學精勤令問風範語
在前記

城南不遠有大伽藍國中聰叡同類萃止有
窣堵波高百餘尺無憂王所建也如來在昔

於此說法摧伏外道廣度人夫其側則有過
去四佛坐及經行遺迹之所自此南行三千

餘里至秣羅矩吒國

亦謂秣羅國南印度境

秣羅矩吒國周五千餘里國大都城周四十
餘里土田曷鹵地利不滋海渚諸珍多聚此
國氣序炎熱人多薰黑志性剛烈邪正兼崇

不尚遊藝唯善逐利伽藍故基寔多餘趾存
者既少僧徒亦寡天祠數百外道甚衆多露
形之徒也城東不遠有故伽藍庭宇荒蕪基
趾尚在無憂王弟大帝之所建也其東有窳
堵波崇基已陷覆鉢猶存無憂王之所建立
在昔如來於此說法現大神通度無量衆用

彰聖迹故此標建歲久弥神所願或遂

國南濱海有秣刺耶山崇崖峻嶺洞谷深澗
其中則有白檀香樹旃檀你婆樹樹類白檀
不可以別唯於盛夏登高遠矚其有大蛇縈
者於是知之猶其木性涼冷故蛇盤也既望
見已射箭為記冬蟄之後方乃採伐羯布羅
香樹松身異葉花果斯別初採既濕尚未有
香木乾之後修理而析其中有香狀若雲母
色如冰雪此所謂龍腦香也

秣刺耶山東有布坦洛迦山山徑危險巖谷
殷傾山頂有池其水澄鏡派出大河周流繞
山二十布入南海池側有石天宮觀自在菩

流反也	上分也	二也	反也	枳	也	蒼	泯	也	也	績	全	却	告	下	幼	利	十	十	也	波	下	俗	二	連	錢	云	色	黃	肥	二	庸	裂	扭	也	之				
也	也	也	也	擊	下	黑	絕	上	又	下	字	反	音	音	反	反	日	日	也	宅	田	上	音	音	石	也	也	也	音	凡	上	上	底	下	民				
	也		也	先	下	聞	忍	上	增	丘	反	子	音	音	音	也	也	也	也	也	也	也	也	也	也	也	也	也	也	也	也	也	也	也	也	也	也		
				聰	反	王	反	未	逆	反	幣	音	音	音	音	音	音	音	音	音	音	音	音	音	音	音	音	音	音	音	音	音	音	音	音	音	音		
				冬	反	明	反	真	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反		
				整	反	羊	反	川	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反		
				歲	反	直	反	危	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	
				也	反	也	反	脆	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	
				反	反	反	反	狝	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	
				岐	反	下	反	狼	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	
				傾	反	上	反	紫	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反
				不	反	去	反	郎	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反
				正	反	奇	反	狝	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反
				也	反	也	反	而	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反
				反	反	反	反	狝	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反
				派	反	反	反	狝	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反
				賣	反	反	反	狝	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反	反